

Sarajevo, 06.05.2024. godine

Univerzitet u Sarajevu – Pravni fakultet raspisuje

**JAVNI POZIV
ZA IZBOR POLAZNIKA IV ŠKOLE MEDIJSKOG PRAVA
NA TEMU:**

„SLAPP postupci i opasnosti za slobodu izražavanja“

IV Škola medijskog prava će se održati od 18. do 23. septembra 2024. godine. u Mostaru. Nakon uspješne realizacije I, II i III Škole medijskog prava u 2021., 2022. i 2023. godini, IV Škola medijskog prava će okupiti 18 studenata i studentica, i to 16 sa prostora cijele Bosne i Hercegovine i dvoje iz susjednih zemalja (Srbija i Crna Gora), kako bi učili i diskutirali o karakteristika i posljedicama tzv. „SLAPP postupaka“ (strateški postupci protiv učešća javnosti) na slobodu izražavanja, medijske slobode i demokratsko društvo. Posebna pažnja će biti posvećena razvoju prava Evropske unije (s detaljnim osvrtom na nedavno usvojenu Direktivu i ranije donesene Preporuku Evropske komisije) koja se tiče SLAPP postupaka, te njegovoj transpoziciji u bosanskohercegovačko pravo. Pored toga, tokom Škole će biti diskutirano o anti-SLAPP zakonodavstvu u uporednom pravu, Preporuci Vijeća Evrope te praksi Evropskog suda za ljudska prava. U konačnici, studenti i studentice će svoje učešće na IV Školi medijskog prava zaključiti kroz učešće u simulaciji javne rasprave pred Evropskim sudom za ljudska prava.

Školu organizuju Univerzitet u Sarajevu – Pravni fakultet, Evropska unija u BiH i Misija OSCE-a u BiH.

Škola medijskog prava je akreditovani program necikličnog obrazovanja Univerziteta u Sarajevu, koji nosi 3 ECTS boda.

Prijaviti se mogu → studenti i studentice I i II ciklusa studija javnih pravnih fakulteta u BiH.

Kako bi se prijavili za Školu, potrebno je da popunite formular koji je dostupan → putem linka:

https://forms.office.com/Pages/ResponsePage.aspx?id=cCV2fthCHUiyBqX3Q1_Q5mYyxS5P9jFGlgImPVmyCcNUMIFSMjJDR1RUSIFGWjVMVTFDJDY2R05NWC4u

Prijave se šalju do → 05.06.2024. godine, do 17,00 sati. O rezultatima selekcije bit će obaviješteni samo izabrani polaznici_e Škole, do 15.06.2024. godine, do 12,00 sati.

Ukoliko imate upit → pošaljite ga na email adresu asistentice Škamo Adne (a.skamo@pfsa.unsa.ba).

Nepotpune i neblagovremene prijave neće biti razmotrene.

Nakon izbora polaznika Škola, organizator će polaznicima dostaviti materijal koji će biti potrebno pročitati i savladati prije početka Škole, a sve kako bi se na adekvatan način pripremili za radionice i simulaciju javne rasprave pred Evropskim sudom za ljudska prava. Troškove smještaja, ishrane i prijevoza za polaznike Škole osigurava Misija OSCE-a u BiH, kao i Evropska unija u BiH. Nakon uspješnog okončanja Škole, polaznici će dobiti certifikat kojim se potvrđuje da su uspješno okončali program necikličnog obrazovanja Univerziteta u Sarajevu u vrijednosti od 3 ECTS boda.